

Koristeći se ovlaštenjima koja su mi data članom V Aneksa 10. (Sporazum o civilnoj implementaciji Mirovnog ugovora) Općeg okvirnog sporazuma za mir u Bosni i Hercegovini prema kojem je Visoki predstavnik konačni autoritet u zemlji u pogledu tumačenja gore pomenutog Sporazuma o civilnoj implementaciji Mirovnog ugovora; uzimajući u obzir posebno član II 1. (d) Sporazuma o civilnoj implementaciji Mirovnog ugovora prema kojem Visoki predstavnik "pomaže, kada Visoki predstavnik to ocijeni neophodnim, u rješavanju svih problema koji se pojave u vezi sa civilnom implementacijom";

Pozivajući se nadalje na stav XI 2. Zaključaka Konferencije za implementaciju mira održane u Bonu 9. i 10. decembra 1997. godine, u kojima je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implemen- taciji Mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezu- jućih odluka, kada to ocijeni neophodnim", o određenim pitanjima, uključujući i (prema podstavu (c) stava XI 2.) "mjere kojima se osigurava implementacija Mirovnog sporazuma na cijelom području Bosne i Hercegovine i njenih entiteta";

Imajući u vidu da je Vijeće za implementaciju mira na svojoj sjednici održanoj u Madridu 16. decembra 1998. godine pozvalo organe vlasti na blisku i bezrezervnu saradnju sa međunarodnom zajednicom na sveobuhvatnoj i dosljednoj strukturalnoj reformi Zavoda za platni promet koju treba okončati do 31. decembra 2000. godine;

Napominjući da su amandmani na Zakon o doprinosima dogovoreni između poreskih organa Federacije Bosne i Hercegovine i Međunarodne savjetodavne grupe za transformaciju Zavoda za platni promet i platnog sistema (IAG) u proljeće 2000. godine, i upućeni Ministarstvu finansija na odobrenje;

Napominjući, međutim da Ministarstvo finansija Federacije Bosne i Hercegovine nije razmatralo amandmane na Zakon o doprinosima niti ih je uputilo na Vladu Federacije;

Uzimajući u obzirda stupanje na snagu Zakona o izmjenama i dopunama Zakona o doprinosima ima suštinski značaj za osiguranje neophodnog zakonodavnog okvira za gore pomenutu opću reformu Zavoda za platni promet, i konkretno za reguliranje naplate doprinosa;

Uzimajući u obzir, imajući na umu i konstatirajući sve gore navedeno, ovim donosim slijedeću Odluku. Zakon koji se donosi ovom odlukom stupa na snagu na privremenoj osnovi, sve dok ga Parlament Federacije ne usvoji u propisanoj formi, bez izmjena i dopuna i bez postavljanja uslova.

Ova odluka stupa na snagu odmah i bez odlaganja će se objaviti u "Službenim novinama Federacije BiH".

ODLUKA

O ZAKONU O IZMJENAMA I DOPUNAMA ZAKONA O DOPRINOSIMA

U Zakonu o doprinosima ("Službene novine Federacije BiH", broj 35/98), vrše se sljedeće izmjene i dopune:

Član 1.

Član 11. mijenja se i glasi:

“Obračun i uplatu doprinosa za obveznike doprinosa iz člana 4. Zakona vrši isplatilac plaće i drugih ličnih primanja-rezident Federacije prilikom svake isplate, i to:

a) na plaće, naknade plaća i druga lična primanja zaposlenika po osnovu redovnog rada i izvan redovnog rada, doprinosi se obračunavaju na dan njihove isplate, a plaćaju se u roku od sedam dana od dana kada je isplata izvršena.

b) na svoju plaću, fizičko lice koje samostalno obavlja privrednu, profesionalnu ili drugu djelatnost kao osnovno zanimanje, koje se bavi zemljoradnjom kao jedinim ili osnovnim zanimanjem, kao i ono koje je zaposleno kod nerezidenta Federacije i ostali obveznici doprinosa, dužni su sami obračunavati i plaćati doprinose do 7.-og u mjesecu za protekli mjesec.

c) za obveznika koji je na teritoriji Federacije BiH zaposlen kod nerezidenta Federacije, obračun i uplatu doprinosa može vršiti i pravno ili fizičko lice-nerezident Federacije i to do 7.-og u mjesecu za protekli mjesec.

Prilikom svake plaće i drugog primanja, isplatilac je dužan zaposleniku-obvezniku doprinosa iz člana 4. tačka 1. Zakona o doprinosima, izdati jedan primjerak obračuna bruto plaće i doprinosa“.

Član 2.

Iza člana 11. dodaju se čl. 11a. i 11b. koji glase:

“Član 11a.

Isplatioci plaća i drugih ličnih primanja i fizička lica iz člana 1. stav 1. tač. b) i c), ovoga zakona dužni su za svaku isplatu plaće sačiniti specifikaciju o isplati primanja i obračunu i uplati poreza i doprinosa i dostaviti je zajedno sa dokazima o izvršenoj isplati, nadležnoj ispostavi Porezne uprave Federacije BiH istog dana, a najkasnije narednog dana po izvršenoj isplati.

Član 11b.

Poslodavac-isplatilac plaće i drugih ličnih primanja, kao i fizička lica iz člana 1. stav 1. tač. b) i c) ovoga zakona, doprinose iz plaća i doprinose na plaću usmjeravaju u skladu sa propisima odnosno podzakonskim aktima donesenim na osnovu ovog zakona odgovarajućem korisniku odnosno korisnicima“.

Član 3.

Član 12. mijenja se i glasi:

“Uplata doprinosa vrši se u KM.

Doprinosi se uplaćuju po vrsti na propisane uplatne račune putem ovlaštenih organizacija za obavljanje unutrašnjeg platnog prometa (OOPP)“.

Član 4.

Iza člana 14. dodaju se novi čl. 14a., 14b. i 14c. koji glase:

“Član 14a.

U slučaju neplaćanja doprinosa u roku, nadležna Porezna uprava će donijeti rješenje o prinudnoj naplati.

Na osnovu ovog rješenja Porezna uprava može zahtijevati prinudnu naplatu doprinosa prenosom

dugovanog iznosa sa bilo kojeg računa isplatioca plaća, otvorenog kod OOPP, na propisane uplatne račune javnih prihoda, kao i naplatu iz cjelokupne imovine isplatioca plaća.

Član 14b.

Nadzor nad obračunavanjem i plaćanjem doprinosa iz plaće i na plaću sprovodi Porezna uprava Federacije BiH.

Član 14c.

Evidencije o obračunatim i uplaćenim doprinosima iz plaća i na plaće vodi organizaciona jedinica Porezne uprave na čijem području se nalazi sjedište isplatioca - pravnog lica i fizičkog lica koje samostalno obavlja djelatnost, odnosno prebivalište fizičkog lica iz člana 1. stav 1. tač. b. i c. ovog zakona“.

Član 5.

Član 15. mijenja se i glasi:

“Novčanom kaznom višom od utvrđenih doprinosa iz plaće i na plaću kaznit će se za prekršaj pravno lice i fizičko lice koje samostalno obavlja djelatnost, ako u roku utvrđenom ovim zakonom ne uplati doprinose na plaću i iz plaće, i to:

do dvostrukog iznosa neplaćenih doprinosa, za zakašnje- nje duže od 30 dana;

do trostrukog iznosa neplaćenih doprinosa, za zakašnje- nje duže od 60 dana;

do peterostrukog iznosa neplaćenih doprinosa, za zakaš- njenje duže od 90 dana.

Za prekršaj iz stava 1. ovog člana kaznit će se i odgovorna lica u pravnom licu novčanom kaznom od 2.000 KM“.

Član 6.

Član 16. mijenja se i glasi:

“Novčanom kaznom u visini do desetostrukog iznosa manje obračunatih i uplaćenih doprinosa na plaću i iz plaće, kaznit će se pravno lice i fizičko lice koje samostalno obavlja djelatnost za koje Porezna uprava Federacije BiH utvrdi da je kao isplatilac plaće obračunalo i uplatilo doprinose ispod stvarnih iznosa.

Za prekršaj iz stava 1. ovog člana kaznit će se i odgovorna lica u pravnom licu novčanom kaznom do 2.000 KM“.

Član 7.

Član 17. mijenja se i glasi:

“Novčanom kaznom u visini do dvostrukog iznosa utvrđenih doprinosa na plaću i iz plaće kaznit će se za prekršaj fizičko lice-zaposlenik iz člana 1. stav 1. toč. b) i c) ovog zakona, za koje Porezna uprava Federacije BiH utvrdi da u zakonom propisanom roku nije platilo doprinose na plaću i iz plaće na svoja primanja koja se prema odredbama ovog zakona smatraju plaćom“.

Član 8.

Iza člana 17. dodaje se novi član 17a, koji glasi:

“Član 17a.

Novčanom kaznom od 1.000 do 5.000 KM kaznit će se pravno lice i fizičko lice koje samostalno obavlja djelatnost, ako kao isplatilac plaće Poreznoj upravi Federacije BiH ne dostavi ili ne dostavi u propisanom roku specifikaciju plaća ili drugih ličnih prihoda sa obračunatim doprinosima i dokazima o isplati plaća i uplati doprinosa“.

Član 9.

Ovaj zakon će se bez odlaganja objaviti u “Službenim novinama Federacije BiH“ i stupa na snagu danom objavljivanja ili 1. januara 2001. godine, zavisno od toga koji je od ova dva datuma kasniji.

Broj 69/00 20. decembra 2000. godine Sarajevo

Visoki predstavnik Wolfgang Petritsch, s. r.